

唐
音
統
籤

已籤一

初唐雜詩

之八

三十五人同卷

唐書統籤卷

八百二十五

蘓綰

杜常言有送
蘓綰書記詩

奉和姚令公駕幸溫湯喜雪應制

漢主新豐邑周王尚父師雲符沛童唱雪應海神

期林變鶯春早山明訝夕遲况逢溫液霈恩重御

裘詩

劉戩

以下四人
見初學記

夏彈琴

唐文粹作劉希戩詩文
苑英華作劉希戩詩

碧山本嶠寂素琴何清幽彈為風入松崖谷颯已

秋庭鶴舞白雪泉魚躍洪流予欲娛世人明月難

暗投感歎未終曲淚下不可收嗚呼鍾子期零落
歸荒丘死而若有知魂兮從我遊

楊齊哲

過函谷關

地險峭函北途經分陝東逶迤衆山盡荒涼古塞
空河光流曉日樹影散朝風聖德今無外何處是
關中

鄭軌

觀兄弟同夜成婚

棠棣開雙萼天桃煦兩花分庭含珮響隔扇偶妝

華迎風俱似雪映綺共如霞今宵二神女併在一
仙家

劉夷道

傷死奴

丹籍生涯淺黃泉歸路深不及江陵樹千秋長作
林

蕭意

以下七人見玉臺後集

長門失寵

自從別鑾殿長門幾度春不知金屋裏更貯若為
人

徐之才

下山逢故夫

踟躕下山婦共申別離久為問織纈人何必長相
守

蔡瓌

夏日閨怨

桃徑李蹊絕芳園炎氣熾日滿愁軒枝上鳥驚朱
槿落池中魚戲綠蘋翻君戀京師久留滯妾怨高
樓積年歲非關曾入楚王宮直為相思腰轉細卧
簾乘閣乍逐涼薰爐畏熱懶焚香雨霑柳葉如啼

眼露滴蓮花似汗妝全由獨自羞看影艷是孤眠
疑夜永無情拂鏡不成妝有時卻扇還風靜近日
書來道欲歸鴛鴦文錦字息機但恐愁客不相識
為教恒著別時衣

唐 怡

詠破扇

輪如明月盡羅似薄雲穿無由重掩笑分在秋風
前

述懷

萬事皆零落平生不可思惟餘酒中趣不減少年

時

閨德隱

薛王花燭行

王子仙車下鳳臺紫纓金勒馭龍媒

出環珮鏘天上來鵲樓前雲半捲鴛鴦殿

上月徘徊玉盤錯落銀燈照珠帳玲瓏寶扇開盈

盈二八誰家子紅粉新粧勝桃李從來六行比齊

姜自許千門奉楚王楚王宮裏能服飾顧盼傾城

復傾國合歡錦帶蒲萄花連理香裙石榴色金爐

半夜起氛氲翡翠被重蕙含薰不學曹王遇神女

莫言羅敷邀使君同心婉婉若琴瑟更笑天河有
靈匹一朝福履盛王門百代光輝增帝室富貴榮
華寔可憐路傍觀者謂神仙祇應早得淮南術會
見雙飛入紫烟

三月歌

洛陽城路九春衢洛陽城外柳千株能得來時作
眼覓天津橋側錦屠蘇

劉元叔

妾薄命

自從離別守空閨遙聞征戰赴雲梯夜思君遼

海北年七棄一作拋

妾謂橋西陽春白日煦空煖紫

燕銜

紅一作

花向庭滿彩鸞琴裏怨聲多飛鵲鏡前

顏色斷誰家夫婿不從征應是漁陽別有情莫道

紅顏燕地少家七還似洛陽城旦逐新人殊未歸

還令秋至夜霜飛北斗星前橫旅

一作度

雁南樓月

下持寒衣夜

一作更

溪間雁腸欲絕獨坐縫衣燈又

滅

一作燈

一作復

滅

一作批

暗啼羅帳空自憐夢度陽關向誰

說每憐客貌宛如神如何薄命不如人待君朝夕

燕山至好作明年楊柳春

常理

古別離

君御狐白裘妾居絳綺幃粟鈿金夾膝花錯玉搔
頭離別生庾草征衣斷戍樓蟬蛩網清曙菡萏落
紅秋小膽空房怯長眉滿鏡愁為傳兒女意不用
遠封侯

偷薄命

十五玉童色雙蛾青彎々烏銜櫻桃花此時刺綉
閑嬌小恣所愛誤人金指環艷花勾引落滅燭屏
風闌妾怕愁中画君偷薄裏還初謂來心平若案
謂知別意險如山乍啼羅袖嬌遮面不忍看君莫

暗顏

沈宇

國秀集云
太子洗馬

擣衣

日暮遠天青
霜風入後庭
洞房寒未掩
砧杵夜泠泠

武陽送別

菊黃蘆白雁初飛
羌笛淚滿衣
送君腸斷秋
江水一去東流何日歸

代閨人

楊柳青
鳥亂吟
春花香
謁洞房
淚百花
簾下朝

窺鏡明月窓前夜理琴

蔡孚

開元中為起居郎

打毬篇并序

臣謹按打毬者姓之蹴鞠古戲也黃帝所作兵
勢以練武士知有材也竊美其事謹奏打毬篇
一章凡七言九韵

德陽宮北苑東頭雲作高臺月作樓金鉉玉鑒

一作

鑒千金地寶杖瑠文七寶毬寶融一家三尚主梁

冀頻封萬戶侯容色由來荷恩顧意氣平生事俠

游共道用兵如斷蔗俱能走馬入長楸紅鬃錦鬣

風驅驥黃駱青綠電紫騮奔星亂下花場裏初月

飛來画杖頭自有長鳴須決勝能馳迅走滿先籌
薄暮漢宮愉樂罷還歸堯室晚垂旒

奉和聖製龍池篇

帝宅王家大道邊神馬潛龍湧聖泉昔日昔時經
此地看來看去漸成川歌臺舞榭宜正月柳岸梅
洲勝往年莫疑波上春雲少祇為龍飛直上天

徐晶

紀事云胡皓蔡字同時
人國秀集云魯郡縣事

院公體

秦王按劍怒發卒成龍沙雄圖尚未畢海內已紛
拏黃塵暗天起白日飲精華唯見長城外僵屍如

亂麻

同蔡孚五亭詠

章奏中京

一作丹墀

罷雲泉別業歸拂琴鋪野席牽柳

挂朝衣翡翠巢書幌鴛鴦立釣磯幽栖可憐處春
事滿林扉

蔡起居山亭

文史歸休日棲閑卧草亭薔薇一架紫石竹數重
青垂露和仙藥燒香誦道經莫將山水美持與世
人聽

送友人尉蜀中

故人漢中尉請為西蜀吟人家多種橘風土愛彈
琴水向昆明濶山連一作通大夏深理閑無別事時

寄一登臨

贈溫駙馬汝陽王

疇昔承餘論文章幸溫推夜陪銀漢賞朝奉桂山
詞梁郎調歌日秦樓按舞時登高頻作賦體物屢
為詩連騎長楸下浮觴曲水湄北堂留上客南陌
送佳期憶昨陪臨汎于今阻宴私再看冬雪滿三
見夏花滋都尉朝青閣淮王侍紫墀寧知倦遊者
華髮老京師

胡皓開元中張孝嵩出塞皓與張九齡韓休崔沔
王翰賀知章撰送行詩號朝英集皓詩今逸

大漠行

單于犯薊塙虜騎畧蕭邊
南山木葉飛下地北海
蓬根亂上天蜉蝣連營
太原道魚麗合陣武威
川三軍遙倚伏萬里相
馳逐旌旆悠々靜潮源
鼙鼓喧喧動盧谷窮徼
出幽陵吁嗟倦寢興馬
蹄凍溜石胡毳暖生冰
雲沙泱泱天光閉河塞
陰沉海色凝崕峒北一作異
國誰能託蕭索邊心常
不樂近見行人畏白龍
遙聞公主愁黃鵠陽春
半岐路間瑤

臺苑玉門關百花芳樹紅將歇二月蘭皋綠未還
陣雲不散魚龍水雨雪猶飛鴻雁山山嶂綿連那
可極路遠辛勤夢顏色北堂萱草不寄來東園苑
李長相憶漢將紛紜攻戰盈胡寇蕭條幽朔清韓
昌拜節偏知送鄭吉驅旌坐見迎火絕烟沉一作
右西極谷靜山空一作北平但得將軍能百勝
不須天子築長城

出峽

巴東三峽盡曠望九江開楚塞雲中出荆門水上
來魚龍潛嘯而鳬雁動成雷南國秋風晚客思幾

悠哉

同蔡孚起居詠鸚鵡

見文苑英華或作裴隋者誤

鸚鵡殊姿致鸞鳳得比肩常尋金殿裏每話玉階前
賈誼才方達楊雄老未遷能言既有地何惜為閒天

康庭芝

河陰令

詠月

一作沈佺期詩又作宋之間詩誤杜審言有和庭芝詠月即和此也

天使下西樓光含萬里秋臺前疑挂鏡簾外似懸鉤
張尹將眉學班姬取扇傳佳期應借問為報在刀頭

徐壁

見搜玉小集

春燕

雙燕今朝至何時發海濱
窺人向簷語一作窺簷向人語
如道故鄉春

催粧

紀事作徐安期詩

傳聞燭下調紅粉
明鏡臺前別作春
不須滿面暉
粧却留著雙眉待画人

顧舒

鳳樓怨

顧陶取入顧詩

佳人名莫愁
珠箔上花鉤
清鏡鴛鴦匣
新妝翡翠

樓擣衣明月夜吹管白雲秋
惟恨金吾子年七向

隴頭

裴延

以下二入
皎然詩式

隔壁聞奏伎

一作陳
蕭琳詩

徒聞管絃切不見舞腰回
賴有歌梁共塵飛一半

來

詠剪花

花寒未聚蝶色豔已驚人
懸知陌上柳應妬手中

春

陳

述

歎美人照鏡

插花枝共動含笑靨俱生衫分兩處色粉一作釧響

一邊聲就中還妬影恐奪可憐名

王訓

以下五人見郭茂倩樂府

獨不見

日晚宜春暮風軟上林朝對酒近初節開樓蕩夜
謠石橋通小澗竹路上青霄持底誰見許長愁成
細腰

虞羽客

結客少年場行

幽并俠少年金絡控連錢
竊符方叔趙擊筑正懷
燕輕生辭鳳闕揮袂上新連
陸離橫寶劍出沒驚
組旃蒙輪恒顧敵超乘忽一作爭先摧枯逾百戰
拓地遠三千骨都魂已散
樓蘭首復傳龍城含宿
霧瀚海接一作遙天歌吹金微
迤振旅玉門旋烽
火今已息非復照甘泉

張烜

嬖婦怨

賤妾裁紉扇初搖明月姿
君王看舞席坐起秋風
時玉樹清御路金陳鬪垂絲
昭陽無分理愁寂任

片字系第圖
前期

張修之

長門怨

長門落景盡洞房秋月明
玉階草露積金屋綢塵生
妾妬今應改君恩昔未平
寄語臨邛客何時作賦成

梁獻

王昭君

圖畫失天真容華坐誤人
君恩不可再妾命在和親
淚點關山月衣銷邊塞塵
一聞陽鳥至思絕漢

宮春

沈祖仙

以下三人
見紀事

秋閨

白馬三軍客青娥十載思
玉庭霜落夜羅幌月明
時鑪冷蜘蛛喜燈高曙
曜期愁多不可曙流涕坐
空幃

邵士彥

秋閨

斜日空庭暮幽閨積恨盈
細風吹帳冷微月度窻
明怨坐啼相續愁眼夢不
成調琴歎有弄畏作斷

賜聲

吳大江

擣衣

沙塞秋應晚金閨恨已空
那堪裂紙素時許出房
櫳杵影弄寒月砧聲調
夜風裁縫雙淚盡萬里寄
雲中

邢象玉

以下五人品
彙次初唐

古意

家中酒新熟園裏葉初榮
佇杯欲取醉悵然思友
生忽聞有奇客何姓復何名
嗜酒陶彭澤能琴阮

步兵何須問寒暑徑共坐山亭舉袂祛啼鳥揚巾
掃落英心神無俗累歌詠有新聲新聲是何曲滄
浪之水清

徐玄之

采蓮

越艷荆姝慣采蓮蘭橈画櫂滿長川秋來江上澄
如練映水紅粧如可見此時蓮浦珠翠光此日荷
風羅綺香纖手周游不暫息紅英爛熳珠未極夕
鳥棲林人欲稀長歌哀怨采蓮歸

郭祐

同崔員外溫泉宮即事

輦輅移變闕宸游整六師天迴紫微座日轉羽林
旗霜氣寒戈戟軍容壯帝貌弓鳴射雁處泉煖躍
龍時惠化成觀俗謳謠入賦詩同歆王道盛相與
詠雍熙

權微

題沈黎城

蘓子卧北海馬箭渡南洲迹恨事乃立功達名遂
休夜聞羽書至召募此邊州鐵騎耀楚甲玉匣橫
吳鉤雪厚犀山凍蓬飛荒塞秋久成曷辭苦數戰

期封侯不學監儒輩談經空白頭

豆盧回

登樂游原懷古

緬惟漢宣帝初謂皇曾孫雖在襁褓中亦遭巫蠱
克至哉而廷尉感激義彌敦馳逐蓮白道出入諸
陵門一朝風雲會竟登天位尊握符昇寶曆負宸
御華軒赫奕文物備歲誕休瑞繁奉為中興主垂
名於後昆雄圖奄已謝餘址空復存昔為樂遊苑
今為狐兔園朝見收豎集夕聞棲鳥喧蕭條灞亭
岸寂寞杜陵原羃羃野烟起蒼茫嵐氣昏二曜屢

迴薄四時更涼溫天道尚如此人理安可論

符子珪

見詩
北

芳樹

芳樹宜三月
曠日艷綺年
香交珠箔氣
陰占綠庭
烟小葉風吹
長繁花露濯
鮮遂令穠李
兒折取簪
花細

已籤二

盛唐之一十七人

唐音統籤卷

八百二十六

李適之

恒山慈王孫雅好賓客飲酒一斗不亂開元中拜左相罷守太子少保復貶宜春郡

仰藥死

朝退

紀事云適之為相朝退每避賓戚談諧賦詩有詩云

朱門長不開親友恣相遇過年今將半百不樂復作一

待如何

罷相

本作本事云適之煉直坦率為相時譽甚相作美為李林甫所搆罷免朝客難知無

且為詩云云林甫愈怒終遂不免

避賢初罷相樂聖且銜孟為一作問門前客今朝

幾箇來

李林甫

唐宗室玄宗朝秉政十九年稱毒相詩筆皆郭慎微苑咸代為之

送賀監四明應制

挂冠知止足豈獨漢疏賢入道求真侶辭恩訪列仙
膺文含日月宸翰動雲烟鶴駕吳鄉遠遙上南斗邊

奉和聖製次瓊岳應制

東幸從人望西巡順物回雲收二華出天轉五星來
十月農初罷三驅禮復開更看瓊岳上佳氣接神臺

秋夜望月憶韓席寺諸侍郎因以投贈

秋天碧雲夜明月懸東方皓皓庭際色稍々林下
光桂華澄遠近壁綵散池塘鴻雁飛難度關山曲
易長撥予乘孤直虛薄忝文昌握鏡慚先照持衡
愧後行多才衆君子載筆久詞場作賦推潘岳題
詩許謝康當時陪宴語今夕恨相望願欲接高論
清晨朝建章

崔珪

貝丘人開元中官太子詹事與兄中書舍人
珪弟光祿卿璵俱列寮戟世号三戟崔家

孤寢怨

征戍動經年含情拂玳筵花飛鐵錦處月落擣衣
邊燈暗愁孤坐牀空怨獨眠自君遠海去玉匣閉

春絃

敬括

字叔弓河東人以文詞稱應制登科累遷殿中侍御史終御史大夫

省試七月流火

前庭一葉下言念忽悲秋變節金初至分寒

一作空

火正流氣含涼夜早先拂夏雲收助月微明散沿

河麗景浮禮標時令爽詩興國風幽自此親邦正

溪知王業休

李禕

吳王恪之孫封信安郡王節度朔方有功加開府儀同三司景雲間元中堂再為衢州刺史

史

石橋

在衢州之烟柯山即王庾看仙人奕碁處也詩有貞元二年嚴峻石刻記

別有經行所迥跨重巒側粵因求瘼餘條想尋真
域放情恣披拂杖策聊

色亂幡霧中見雁塔雲間識薄烟幕遠郊遙岑沒
歸翼仙橋危石架幽洞象

易測二教無先後一相平而直冀茲捐俗心永

懷依妙力

薛令之閭之長歎人官右補闕兼侍讀時東宮官

舊見君已前卒

自悼

起事云今之為石底子官僚清溪題詩
自悼云云玄宗幸東宮見之索筆續之
云啄木口臂長隊毛羽若煙松
桂寒任從桑榆暖遂謝病歸

朝日上團圓。照見先生盤。中何所有。首著長圍。
干飯澁。是難縮。羹稀筋易寬。只可無一作謀。朝夕何
由保歲寒。

靈岩寺

地志云。有此詩。及大姚山詩。似皆後人偽撰。此收閱南唐雅姑存之。

草堂栖在靈山谷。勤苦詩書向燈燭。柴門半掩寂
無人。惟有白雲相伴宿。

李暉

字宣子。官弘農太守。宗正卿。曾至堂為撰判詞。

尚書都堂瓦松

華省秘仙蹤。高堂露瓦松。松葉因春後。長而為夜來。
濃影混鴛鴦。色光含翡翠。零天然斯所寄。地勢太

無從接棟臨凌關連覺近九重寧知溪澗底霜雪

歲並封

吳軫

少微之子開元中為中書舍人以文行知名

白雲溪

山徑入修篁溪林蔽日光夏雲生嶂遠瀑水引溪
長秀跡逢皆勝清芬坐轉涼回看玉樽夕歸路賞

前房

庫狄履溫

開元中官尚書員外郎攝御史充勸農判官

夏晚初霽南省寓直用餘字

薄宦同時泰涼宵寓直初沉二仙閣閑的暗更

徐霽色連空上炎氛入夜除星迴南斗落月度北
窓虛待漏殘燈照含芳襲氣餘寐來冠不解奏罷
草仍書幕府慚良策明曹魏散檄命輕旌有報義
重更難踈燕厦欣成託鴈行濫所如晨趨常及早
復此戒朝車

楊浚

官校書郎開元中
嘗上聖典三卷

題武陵草堂

草堂列仙樓上在青山頂戶外窺數峰堦前對雙
井雨來花盡濕風度松初冷登棧行不疲入谿語
彌靜云能去塵服魚欲事金鼎正直心所存諠諛

長自省適知幽適趣已覺煩慮屏更愛雲林間吾
將卧南潁

廣武懷古

河水城下流登城望彌懷海雲飛不斷岼草綠相
接龍門無舊塲武牢有遺堞扼喉兵易守捫指計
何捷天奪項氏謀卒成漢家業鄉山遙可見西顧
淚盈睫

贈李郎中

仙郎早朝退直省卧南軒院竹自成賞階底寂不
喧焚香開後閣起草開前門禮樂風流美光華星

位尊榮兼朱紱貴交乃布衣存是日登龍客無忌

君子思

崔惠童

尚明皇晉國公主

宴城東莊

一月主人

一作人生

笑幾回相逢相值

一作識

且銜杯眼

看春色如流水今日殘花昨日開

崔敏童

駙馬惠童昆弟

宴城東莊

一年又過

一作始百

一年春百歲曾無

一作

百歲人能向花

前幾回醉

十千沽酒莫辭貧

一作

頻

王諲

登開元進士
第官右補闕

後庭怨

君不見紅閨少女端正時
天天桃李仙容姿
幸得君王憐巧笑
披香殿裏薦蛾眉
蛾眉雙
人共進
常恐妾身從此擯
甄妃為妬出層宮
班女因猜下
長信
長信宮門閉不開
昭陽歌吹風送來
夢中魂
魄猶言是覺後
精神尚未迴
念君嬌愛無終始
使妾長啼後庭裏
獨立每看斜日盡
孤眠直至殘燈
死
秋日聞虫翡翠簾
春晴照面鶯鶯水
紅顏舊來
花不勝白髮
如今雪相似
傳聞純扇息
未歇
預想

蛾眉上初月如君貴
偽不貴真還同棄妾
逐新人
借問南山松葉意何如
北砌槿花新

夜坐看搗箏

調箏夜坐燈光裏
却挂羅帷露纖指
朱絃一一聲
不同玉柱連連影
相似不知何處學
新聲曲曲彈
來未觀名應是石家金谷裏
流傳未滿洛陽城

長信怨

飛燕倚身輕
爭人巧笑名生君
棄妾意增棄
怨君
情日落昭陽
壁秋來長信城
寥々金殿裏
歌吹夜
無聲

閨情

日暮裁縫歇，深嫌氣力微。
綫能收篋笥，懶起下簾帷。
怨坐空燃燭，愁眠不解衣。
昨來頻夢見，夫婿莫應知。

十五夜觀燈

暫得金吾夜，通看火樹春。
停車傍明月，走馬入紅塵。
妓雜歌偏勝，場移舞更新。
應須盡記取，說向不來人。

陸海

吳人餘慶之孫也工五言為賀實所賞性峻不附植貴自出省而止牧潮州但以詩酒自達

題奉國寺

唐新語云二詩時人推其善策

新秋夜何爽露下風轉涼一磬竹林外一作竹林

外千燈花塔西

題龍門寺

牕燈林霽裏聞落水平聲中更與龍華會一作更會

蟻烟滿夕風

金昌緒餘杭人

春怨顧陶取此詩為唐類詩題有作伊州歌

云蓋嘉運作者非也嘉運堂編此詩入

打起一作黃鸝兒莫教枝上啼時一作驚妾夢

不得到遼西

已籤二

盛唐雜詩

之二

二十八人同卷

唐音統籤卷

八百二十七

李伯魚

臨淄人善為文登開元六年進士第秘書郎青州司功

桐竹贈張燕公

伯魚妻燕公妹也答詩見燕公集

北竹青桐北南桐綠竹南竹林君早愛桐樹我初
貪鳳栖桐不媿鳳食竹何慚棲食更如此餘非鳳

所堪

尹忌

河間人張燕公說岳州從事官補嗣

奉陪張燕公登南樓

君子每垂眷江山共流眄水遠林外明巖近霧中
見終日西北望何處是京縣屢登高春臺徒使淚

如霰

秋夜陪張丞相趙侍御游澧湖二首

并序

燕公以蓋司馬初到趙侍御客為書理方并嬉游澧壑覽山川之異與泉石之奇聘望崇朝留樽待月一時之樂豈不盛歟賦詩者列之于左

熊軾巴陵地
鷁舟湘水潯
江山興勢遠
泉石自幽
溪香靄入天
壑冥茫見道
心超然無俗
事清宴有

空

一作林

江上饒奇山
嶠羅雲水間
風秋樹色雜
苔古石文
斑已俗將千
澹澧湖凡幾
灣嬉游竟不
盡乘月汎
舟還

同燕公泥洞庭

風光漸上草中飄
日彩熒々水上搖
幸奉瀟湘雲壑意
山傍客與動仙橈

陰行先

張相湘州從事

和張燕公湘中九日登高

重陽初啟節
無射正飛灰
寂寞風蟬至
連翩霜雁來
山棠紅葉下
岬菊紫花開
今日桓公座
多愧孟嘉才

九日進茱萸山詩五首

見張說集萬首絕句行先代作

家居洛陽下
舉目見嵩山
刻作茱萸節
情生造化

間

黃花宜泛酒青嶽好登高稽首明庭內心為天下

夢菊酒攜山客更囊繫牧童路疑隨大隗人似問鴻

蒙

九日重陽數三秋萬寶成時來謁軒后罷去坐蓬瀛

晚節歡重九高山上五千醉中知偶聖夢裡見尋

仙

王冷然

官校書郎冷然有上張說書云今割無
內外一例不得入錢即知正字校書不如

十卿琳蔚經明進士不如三衛出身既別安在僕
小道通時大言新用去冬有詩贈公愛子協律云
官微思倚玉文淺怯投珠請公看此十字則知僕
曾吟五言公之用人多矣拾遺補闕寧有種乎僕
雖不佞亦相公
一珠亮李也

汴堤柳

隋家天子憶揚州厭坐深宮傍海游穿地鑿山開
御路鳴笳疊鼓泛清流。從鞏北分河口直到淮
南種宮柳功成力盡人旋亡代謝年移樹空有當
時綵女侍君王綉帳旌門對柳行青葉交垂連慢
色白花飛度染衣香今日摧殘何用道數里曾無
一枝好驛騎征帆損更多山精野魅藏應老涼風

八月露為霜日夜孤帆入帝鄉
河畔時時聞木落
一作落葉客中無不淚沾裳
一作無個不沾裳

夜光篇

遊人夜到汝陽間
夜色冥濛不解顏
誰家暗起寒山燒
因此明中得見山
山頭山下須臾滿
歷險緣溪無暫斷
焦聲散著群樹鳴
炎氣傍林一川煖
是時西北多海風
吹上連天光更雄
濁烟熏月黑高
艷藝雲紅初謂煉
丹仙竈裏還疑鑄
劍神谿中劃為飛
電來照物乍作流
星併上空西山無
艸光已滅東頂燐
猶未絕沸湯空谷
數道冰融蓋疑作盡

陰崖幾年雪西京貧病若為居四壁皆成鑿照餘
未得貴游同秉燭唯將半影借披書

試古木卧平沙

古木卧平沙摧殘歲月賒有根橫水石無葉拂烟
霞春至苦為葉冬來雪作花不逢星漢使誰辨是
靈槎

淮南寄舍弟

昔予從不調經歲旅淮南念爾長相失何時返故
園寄書迷處所分袂隔涼溫遠道俱為客他鄉共
在原歸情春伴雁愁泣夜隨猿愧見高堂上朝

獨倚門

句

林欬歎童子山精試老僧山寺陳兵劔閣山將

動飲馬珠江水不流咏八陣圖送人並詩式贈

崔頌開元中為荆
州郎司馬

和張荊州九齡晨出郡舍林下

優閑表政清林薄賞秋成江上懸晚月往來虧復

盈天雲抗直意郡閣晦高名坐嘯應無欲寧辜濟

物情

李嶷

開元十五年進士第官左武衛錄事
云嶷詩鮮潔有規矩其少年行三首詞雖不

多翻心然
侯氣在目

少年行三首

十八羽林郎戎衣

一作從

侍漢王臂鷹金殿側挾彈

玉輿傍馳道春風起陪游出建章

侍獵長楊下承恩更射飛塵生馬影滅箭落雁行

稀薄暮隨天仗聯翩入瑣闥

玉劍膝邊

一作旁

橫金杯馬上傾朝游茂陵道夜宿

鳳凰城豪吏多猜忌無勞問姓名

淮南秋夜呈周侶

天靜河漢高夜開砧杵發清秋忽如此離恨應難

歌風亂池上萍

一作露

光竹間月與君共游處勿

作他鄉別

林園秋夜作

林卧避殘暑白雲長在天賞心旣如此對酒非徒
然月色徧秋露竹聲兼夜泉涼風懷袖裏茲意與
誰傳

讀前漢外戚傳

人錄尚書事家臨御路傍鑿池通渭水避暑借明
光印綬妻封邑軒車子拜郎寵曰宮掖裏勢極必
先亡

杜顏

開元十五年同王昌齡登第
顏一作顏

從軍行

秋艸馬蹄輕
角弓持弦急
去為龍城候
正直胡兵襲
軍氣橫大荒
戰酣日將入
長風金鼓動
白露鐵衣濕
四起愁邊聲
南園將佇立
斷蓬孤自轉
寒雁飛相及
萬里雲沙漲
平川冰霰溢
夜聞漢使歸
獨向刀環泣

故絳行

君不見銅鞮觀
數里城池已蕪漫
君不見虎祁宮
幾重臺榭亦微濛
介馬兵車全盛時
歌童舞女妖

艷姿一代繁華皆共絕九原唯望塚纍纍

王迴

家鹿門號白雲先生與孟浩然善詩見孟集

同孟浩然宴賦

屈宋英聲今止已江山繼嗣多才子作者于今盡
相似聚宴王家其樂矣共賦新詩發宮徵書于屋
壁彰厥美

趙驊

字聖卿鄧州官秘書少監

送晁補闕歸日本國

王維有此題詩

西掖承休澣東隅返故林來稱郗子學歸是越人
吟馬上秋郊遠舟中曙海陰知君懷魏闕萬里獨

搖心

裴迪

關中人初與王維崔興宗居終南同倡和天
寶後為蜀州刺史與杜甫友善

有送迪入京詩云舊托含香署雲
霄何足難是堂為尚書省郎也

青龍寺墨壁上人院集

靈境信為絕
法堂出塵氛
自然成高致
向下看浮
雲迤邐峯岫列
參差閣井分
林端遠堞見
風末疎
鍾聞吾師久
禪寂在世超人羣

青雀歌

動息自適性
不魯安與燕
雀群幸忝鷗鷺
早相識
何時提携致
青雲

遊感化寺曇興上人山院

不遠瀟陵遷安居向十年
入門穿竹徑留客聽山泉
鳥轉溪林裏心閑落照前
浮名竟何益從此願棲禪

夏日過青龍寺謁操禪師

安禪一室內左右竹亭幽
有法知不染無言誰敢酬
鳥飛爭向夕蟬噪已先秋
煩暑自茲遣清涼何所求

西塔寺陸羽茶

此詩楊升庵以為見之石刻然羽自在大曆後則非也詩

明矣

竟陵西塔寺蹤跡尚空虛不獨支公住曾經陸羽
居草堂荒產蛤茶井冷生魚一汲清冷水一作高飲
風味有餘

春日與王右丞過新昌里訪呂逸人不遇

恨不逢君出荷蓑青松白屋更無他陶令五男曾
不有蔣生三逕在一作佳相遇芙蓉曲沼春流滿薜
荔成帷晚靄多聞說桃源好迷客不如高卧眎庭
柯

輞川集二十首

孟城坳

結廬古城下時登古城上古城非疇昔今人自來

往劉辰翁云未為不
佳去王維作遠

華子岡

落日松風起還家草露晞雲光侵履跡山翠拂人衣

文杏館

迢迢文杏館躋攀日已屢南嶺與北湖前看復迴顧

斤竹嶺

明流紆且直綠篠密復深一逕通山路行歛望猶

岑

鹿柴

日夕見寒山，便為獨往客。
不知深林事，但有麝麝
跡。

木蘭柴

蒼苔落日時，鳥聲亂谿水。
緣谿路轉深，幽興何時
已。

茱萸泝

飄香亂耕桂，布葉間檀欒。
雲日雖迴照，森沈猶自
寒。

宮槐陌

門前宮槐陌是向歌湖道秋來山雨多落葉無人掃

臨湖亭

當軒彌漾孤月正徘徊谷雨猿聲發風傳入戶來

南垞

孤舟信一泊南垞湖水岸落日下崦嵫清波殊淼漫

歌湖

空濶湖水廣青瑩天色同艤舟一長嘯四面來清風

柳浪

映池同一色遂吹散如絲結陰旣得地何謝陶家時

樂家瀨

瀨聲喧極浦沿涉向南津汎汎鷗鳬渡時時欲近人

金屑泉

紫滄淡不流金碧如可拾迎晨含素華獨往事朝
汲

白石灘

跂石復臨水弄波情未極日下川上寒浮雲澹無
色一作嵌碧

北垞

南山北垞下結宇臨歌湖每欲采樵去扁舟出菰
蒲

竹里館

來過竹里館日與道相親出入唯山鳥幽溪無世

人

辛夷塢

綠堤春草合王孫自留翫
況有辛夷花色與芙蓉
亂

漆園

好閑早成性果此諧宿諾
今日漆園游還同莊叟
樂

枅園

丹刺罽人衣芳香留過客
幸堪調鼎用願君垂采

摘

劉須溪抗云
壞盡鍋羹

輞口遇雨憶終南山同獻王維

積雨晦空曲平沙滅浮彩輞水去悠悠
南山復何在

崔九欲往南山馬上口號興別

歸山深淺去須盡丘壑美莫學武陵人
暫游桃源裏

與盧員外象過崔處士興宗林亭

喬柯門裏自成陰散髮牕中曾不簪
道遙且喜從吾事榮寵從來非我心

崔興宗
興王維裴迪俱居終南後為右補闕

同王右丞送瑗公南歸

行苦神亦秀，冷然豁上松。
銅瓶與竹杖，來自祝融峯。
常願入靈嶽，藏經訪遺蹤。
南歸見長老，且為說心曾。

青雀歌

青鳬統青林，翩翩陋體一微禽。
不應長在藩籬下，他日凌雲誰見心。

和王維勅賜百官櫻桃

未央朝謁正逶迤，天上櫻桃錫此時。
朱實初傳九華殿，繁枝相雜萬年枝。
未勝晏子江南橘，莫比潘

家大谷梨閒道令人好顏色神農本草自應知

留別王維

駐馬欲分襟清寒御溝上前山景氣佳獨往還惆
悵

酬王維盧象見過林亭

窮巷空林常閉閤悠然獨卧對前山今朝忽枉
轎
生駕倒屣開門遙解顏

慕容承

詩見王維集

攜素饌過王維

行西陌返駐輿問車公挾轂獲官騎應門五尺

僮老年如塞北強起離牆東為報壺丘子來入道
姓蒙

顧朝陽以下二人紀事
並云開元中人

昭君怨

莫將鉛粉匣不用鏡花光一去邊城路何情更画
妝影銷胡地月衣盡漢宮香妾死非閑命都一作
緣怨斷腸

解彥融

鴈塔

開元八年清河傳
巖書此于雁塔

崢嶸微倒景刻峭俯無地勇進攀有緣即嶮恐迷

墜杳然喪五蘊蠢爾懷萬類寔際固地尋波羅必
可致南山繚上苑祇樹連岩翠北斗臨帝城扶宮
切太清餐和裨日用味道懿天明綠野冷風浹紫
微佳氣晶馴禽演法要恐草藉經行本願從茲遠
方知物世輕

盧鴻

字浩然范陽人善書畫隱嵩山開元中以

山新唐書作盧
鴻脫一字誤

嵩山十志十首

廣川畫跋云鴻一室自園其

人這規勝舉浪為之今按諸詩蓋題之所
圖者大槩俗惡不類開元人語則亦後人所
為耳第以流傳久
姑錄之存疑云

草堂

草堂者蓋因自然之豁阜前當靖澗資入力之
綿構後加茅茨將以避燥濕成棟宇之用昭簡
易叶乾坤之德可容膝休閑谷神同道此其所
貴也及靡者居之則妄為剪飾失天理矣相曰

山為宅兮草為堂芝蘭兮藥房蘿薜兮柏薜荔
荃壁兮蘭砌薜蘿薜荔兮成草堂陰
香中有人兮信宜常讀金書兮飲玉漿童顏
分不易長一作長

倒景臺

側景臺者蓋太室南麓天門右崖峰如臺氣凌
倒景登路有三處一可憩或曰三休臺可以遠
取風之客會絕塵之子超逸與盪迴標以共所
絕也及世人登焉則視散神越目極心傷矣劉

曰

天門豁兮仙臺聳傑屹峙兮零一作雲涵湧窮三休
兮曠一觀一作觀忽若登崑崙兮中期汗漫仙聳天
關兮倒景臺凌顛氣兮軼羣埃皎皎之子兮自獨
立雲可朋兮靄可吸曾何榮辱之所及

樾館

樾館者蓋即林取材基顛祕架茅茨居不期遠
為不至勞清談煨賓斯為尚矣及盪者都其隘
閭苟事宏而幸
其賓矣詞曰

紫岩隈兮青磧側雲松烟萬兮千古色芳蘿靡兮
蔭蒙龍幽人構館兮在其中羅蘿蒙龍兮開樾館

卧風宵兮坐椒一作旦粵有賓兮時戾止雅蘇不

爨兮清談而已永歲終朝兮常若此

枕烟庭

枕烟庭者蓋特岑秀起意若枕烟庭凝虛宵
若仙會即楊雄所謂愛靜神游之處是也
可以
廷絕紛世永潔精神矣及机士登
焉則寥閼惘恍懸情累矣詞曰

臨泱泱兮背青熒吐雲烟兮合宵冥恍歎翕兮沓

幽霽意縹緲兮群仙會宵冥仙會兮枕烟庭竦視

形兮凝視聽聞夫至誠必感兮祈此巔契一作顯

氣養丹田終彷彿兮覲窮仙

雲錦淙

雲錦涼者蓋激溜衝指傾石叢倚鳴湍疊浪噴
若雷風詭譎分麗煥若雲錦可以營發靈瑞出
既忘歸及匪士視之則反
曰寒泉傷玉趾矣祠曰

水攢衝兮石叢攢煥雲錦兮噴洶湧苔駁帶兮草
黃緣芳霽兮瀨澦石攢叢兮雲錦涼波連珠
兮文皆絳有潔冥一作者媚此幽漱靈液兮樂天
休實獲我心兮天何求

期仙磴

期仙磴者蓋危磴可窺迴接雲路靈仙翳翠若
可期及儒者毀所不見則點之蓋疑冰之談信
曰矣詞

霏微陰壑兮氣騰虹迤邐危磴兮上凌空青霞杪

兮紫雲垂鸞歌鳳舞兮吹參差鸞歌鳳舞兮期仙
磴鴻駕迎兮瑤華贈山中人兮好神仙想像聞此
兮欲升烟鑄月煉液兮竚還年

滌煩磯

滌煩 亂者 豈 旁 谷 峻 崖 發 地 盤 石 飛 流 積 漱 積
漱 成 渠 滌 性 滌 煩 迴 有 幽 致 可 為 智 者 悅 難 為
俗 人 言
詞 曰

靈磯盤礴兮湍奔錯漱冷風兮鎮冥壑研苔滋兮
泉珠潔一飲一憩兮氣一作 象想滅磷漣清淬兮滌
煩磯靈仙境兮仁智歸中有琴兮徽以玉峨上湯
湯兮彈此曲寄聲知音兮同所欲

羃翠庭

羃翠庭者蓋崖巖精陰林雜沓羃其上絲羃其
下深厚灌可以以王神可以冥道矣及喧者游之
則酬諸永日曰
清薄厚相曰

青崖陰兮月礪曲重幽疊邃兮隱淪躅草拊一作

羃幕兮翠蒙龍常其無兮庭在中當其有兮羃翠

庭神可谷兮道可冥有幽人兮張素琴皇徽兮綠

水陰德之暗兮澹忘心

洞玄室

本傳所居室名寧極此復名洞玄為可知

洞玄室者蓋因岩作室即理談玄室返自然玄
斯洞矣及邪者居之則假容竊次妄作虛誕竟

以謔言
祠曰

嵐氣肅兮巖翠沓室陰虛兮戶芳匝披蕙帳兮促
蘿筵談空空兮竅玄玄蕙帳蘿筵兮洞玄室祕而
幽兮真且吉返自然兮道可冥繹妙思兮草玄經
結幽盟兮存黃庭

金碧潭

金碧潭者蓋水潔石鮮光涵金碧岩葩林藹有
助芳陰鑒空洞虛迥斯勝矣而世生僥乎利害
則未暇游之詞曰

水碧色兮石金光灑熠兮分潏湟兮泉葩兮映烟
蕙臨紅灼兮翠陰陰翠相鮮兮金碧潭霜天洞
兮烟景涵有幽人兮好冥絕炳其煥兮凝其潔悠

悠千古兮長不滅

陶峴靖節之後開元中家崑山富于田業有文學

一舟自載一舟置賓一舟貯飲饌有女樂一部峴

秦清商曲逢山泉則寄其境物吳越之士為水

西塞山下迴舟作

峴訪韶石至南海獲寶劍

訶善游水每遇水色可愛投劍環命摩訶
取之以為戲樂至西塞山下泊舟吉祥佛
金見江水涼黑謂必有怪物仍投劍環命
摩訶取詩自叙之文體磔裂浮水工峴流淖

不復游江湖矣

匡廬舊業是誰自一作主吳越新居安此生白髮數

莖歸未得青山一望計還成鴉翻楓葉夕陽動驚

立蘆花秋水明從此捨舟何所詣酒旗歌扇正相

迎

尉遲匡

紀事云幽并人耿介士也李林甫當開元

甫曰蕭穎士

吾名復異於王重欲相干三思可矣匡知

見怒惶怖出涕肩

句

明月飛出海黃河流上天暮行芙蓉初出水疏李

忽無顏

現內人樓

夜夜月為青塚鏡年年雪作黑

山花

塞上

靈異尋滄海，壁歌訪翠微。
水鷗迎共狎，雲鶴待將飛。
琪樹嘗仙果，瓊枝試羽衣。
遙知神女問，獨恠阮郎歸。

送孟浩然歸襄陽二首

東越相逢地，西亭送別津。
看解纜雲海，玄愁人柳在桃林。
岼山江一作連楓榭，春因懷故園。
意歸與孟家鄰。

林門不欲

一作後

出久，每世情疎，以此為長策，勸君

歸舊廬，醉歌田舍酒，笑讀古人書。

好是一生事，無

勞戲子虛。

一作王維詩

九日陪潤州邵使君登北固山

五馬向山耕重陽坐麗進徐州帶綠水
楚國在青霄張幕連江樹開筵接海潮
凌雲詞客語迴雪舞人嬌一作腰梅福
慚仙吏羊公賞下僚新豐酒舊美
况是菊花朝

贈司勳蕭郎中

作相開黃閣為郎奏赤墀君臣道合
軀父子貴同時國以推賢荅家無內
舉疑鳳池真水鏡蘭省得華滋未覩
風流日先聞新一作所賦詩江山清
謝眺花木媚丘遲吏部來何暮王言
念在茲丹青無不

可霖雨亦相期昔我投荒處孤烟望島夷鷗終
日狎落葉數年悲漁父留歌詠江妃入興詞今將
獻知己相感勿吾欺

自樂城赴永嘉狂路泛白湖寄松陽李少府
西行礙淺石北轉入谿橋樹色烟輕重湖光風動
搖百花亂飛雪萬嶺疊青霄猿掛臨潭篠鷗迎出
浦橈睚應賞心客茲路不言遙

壁池望秋月

涼夜窺清沼池空水月秋滿輪沈玉鏡半魄落銀
鈎蟾影搖輕浪菱花渡淺流漏移光漸潔雲斂色

偏浮似璧悲三獻疑珠怯再投能持千里意來照
楚鄉愁

長安早春

此詩見文苑省試詩中
或作孟浩然者非也

開國移東井城池對北辰咸歌太平日共樂建寅
春雪盡黃山樹冰開黑水津草迎金埒馬花伴一作
解玉樓人鴻漸看無數鶯還聽欲頻何當桂枝擢
還及柳條新

巫山

巫巔岩峽天際重佳期宿昔願相從朝雲暮雨連
天暗神女知來第几峯

黃麟

金部員外郎

以下諸人官闕皆出國秀集

中人居多曰以官開為次

并出他書者藥序此卷

郡中客舍

蟲響亂啾唧
更入正數籌
魂歸洞庭夜
霜卧洛陽秋
微月有時隱
長河到曉流
起來還囑雁
鄉信在

吳洲

郭良

金部員外郎

早行

早行星尚在
數里未天明
不辨雲林色
空聞流水聲
月從山上落
河入斗間橫
漸至重門外
依稀見

洛城

題李將軍山亭

鳳轄將軍位龍門司隸家衣冠為隱逸山水作繁
華徑出重林草池搖雨岼花誰知貴公子亭院有
烟霞

趙良器

兵部
員外

三月三日曲江侍宴應制

聖祖發神謀靈符叶帝求一人光錫命萬國荷時
休雷解園丘畢雲需曲水游岼花迎步輦仙仗擁
行舟睿藻天中降恩波海外流小臣同品物陪此

樂皇猷

鄭國夫人挽歌詞

淑德延公冑，宜家接帝姻。
桂宮男掌僕，蘭殿女昇嬪。
恩澤昭前命，盈虛變此辰。
百年今已矣，彤管列何人。

薛竒童

大理司直

擬古

沙塵朝蔽日，失道還相遇。
寒影波上雲，秋聲月前樹。
川氣生晚夕，野陰乍烟霧。
沈沈灑池水，人馬不敢度。
吮癰世所薄，挾纊恩難顧。
不見古時人，中宵

淚橫注

塞下曲

驕虜初南下
烟塵暗國中
獨召李將軍
夜開甘泉宮
一身許明主
萬里總元戎
霜甲卧不煖
夜半聞邊風
胡天早飛雪
荒徼多轉蓬
寒雲覆水重
秋氣連海空
金鞍誰家子
上馬鳴角弓
自是幽并客
非論愛立功

和李起居秋夜之作

過庭聞禮日
趨侍記言迴
獨卧玉牕前
卷簾殘雨來
高秋南斗轉
涼夜北堂開
水影入朱戶
螢光生

綠苔簡成良史筆
年是洛陽才
莫重白雲意
時人許上台

雲中行

雲中小兒吹金管
向晚回風一川滿
塞北雲高心已悲
城南木落腸堪斷
憶昔魏家都此方
涼風觀前朝百王
千門晚映山川色
變闕遙連日月光
舉杯稱壽永相保
日夕歌鍾徹清昊
將軍汗馬百戰場
天子射獸五原草
寂寞金輿去不歸
陵上黃塵滿路飛
河邊不語傷流水
川上含情歎落暉
此時獨立無所見
日暮寒風吹客衣

楚宮詞一作怨詩二首

禁苑春風起流鶯繞合歡玉牕通日氣珠箔捲輕
寒楊葉垂陰砌梨花入井欄君王好長袖新作舞
衣寬

日晚梧桐落微寒入禁垣月懸三雀觀霜度萬秋
門艷舞矜新寵愁容泣舊恩不堪深殿裏簾外款
黃昏

吳聲子夜歌一作崔國輔古意

淨掃黃金階飛霜皎如雪下簾彈壁篴不忍見秋
月

荆冬倩

校書郎

奉試詠青

路闢天光遠春還月道臨
草濃河畔色槐結路邊
陰未映君王史先標胄子襟
經明如可拾自有致
雲心

梁德裕

四門助教

感遇二首

彩雲呈瑞墳五色發人寰
獨作龍虎狀孤飛天地
間隱々臨北極幾々象南山
恨在帝鄉外不遑枝
葉攀

幽澗生蕙若幽渚老江離榮落人不見芳香徒爾
為不及綠萍草生君紅蓮池左右美人弄朝夕春
風吹葦洗玉泉水珠清湛露滋心亦願如此說君
君不知

郭向

太子

途中口號

一作戶
僕詩

抱玉三朝楚懷書十上秦年々洛陽陌花鳥弄歸
人

李收

左威衛
錄事

和中書侍郎院壁畫雲

粉壁畫雲成如能上太清影從霄漢發光照掖垣
明映簾多幽趣臨軒得野情獨思作霖雨流瀾及
生靈

幽情

幽人惜春暮潭上折芳草佳期何時還欲寄千里
道

屈同仙

千牛兵曹搜王
吳華俱作屈同

燕歌行

漁陽八月塞草腓征人相對併思歸雲和朔氣連
天暗一作黑蓬雜驚一作胡沙散野飛是時天地陰埃

過瀚海龍城皆血一作戰西軍鼓角暗相聞四面

旌旗看不見昭君遠嫁已年多戎狄無厭不復一作

尚和漢兵候月秋防塞胡騎東冰夜渡河塞東

西萬餘里地與京華不相似燕支山下一作上少春

光一作輝黃砂磧裏無流水金戈玉劍十年征紅粉

青樓多怨情厭向殊方一作久離別秋來愁聽擣

衣聲

烏江女

越艷誰家女朝游江岸傍青春猶未嫁紅粉舊來

娼錦袖盛朱橘銀鈎摘紫房見人羞不語回艇入

谿藏

王喬

安定太守

過故人舊宅

故人軒騎罷歸來，舊國園林閉不開。
唯餘挾瑟樓中婦，哭向平生歌舞臺。

楊諫

永樂丞

贈知己

江南折芳草，江北贈佳期。
江澗水復急，過江常苦遲。
蘋白蘭葉青，恐度先香時。
美人碧雲外，寧見長相思。

答長孫十一東山春夜見贈

故人謝城闕揮手碧雲期
谿月照隱處松風生興
時舊林日云暮芳草歲空滋
甘與子成夢請君同
所思

杜儼

新安丞

客中作

書劍催人不得閑
洛陽羈旅復秦關
容顏歲久愁
遣改鄉國時
夢裡還

張良璞

長安尉

覽史

享年八十已歷數窮蒼生七虎門源上咆哮關內
鳴建都用鷄宿設險因金城舜曲烟火起汾河珠
翠明海雲引天仗朔雪留邊兵作孽人怨久其亡
鬼信盈素靈感劉季白馬從子嬰昏虐不務德百
代無芳聲

閭寬

禮泉
尉

古意

庭樹發華滋瑤草復歲華好鳥飛相從愁人深此
時天中有靈匹日夕顰蛾眉願逐飄風花千里入
遙帷心逝愛不見空歌悲莫悲

秋懷

下帷長日盡虛館
早涼生芳草猶未薦
如何蜻蛚鳴秋風
已振衣客土何時歸
為問當途者寧知心
有違

春宵覽月

月生東荒外天雲敗
夕陰愛見澄清景象
吾虛白心耳目靜無
譁神超道性淡乘興
得至樂寓言因永吟

曉入宜都渚

問俗周楚甸川行渺
江潯興隨曉光發道
會春言

溪回眺佳氣象遠懷得山林佇應舟楫用蜀務歸
關心

松滋江北阻風

江風久未歇山雨復相仍巨浪天涯起餘寒川上
凝夏人勞夕惕鄉事憶晨興遠聰知音駭誠哉不
可陵

徐九臯

河陰尉

關山月

玉塞抵長城金微映高關遙心萬餘里直望三邊
月霜靜影逾懸露稀光漸沒思君不可見空歎將

馬歌

戰城南

塞北狂胡旅城南敵漢圍崑崙巖一鼓氣拔刺五兵
威虜騎瞻山哭王師拓地飛不應須罷戰當遂勒
金微

詠史

亡國秦韓代榮身劉項年金槌擊政後玉斗碎增
前聖主稱三傑明離保四賢已申黃名祭方慕赤
松仙

送部四鎮人往單于別知故

天下今無事雲中獨未寧
赤驥更成卒方遠送邊
庭馬飲長城水軍占太白星
國恩行可報何必守
營經

途中覽鏡

四海游長倦百年行

一作愁

半侵賴窺明鏡裏時見

丈夫心

常非月

西河尉

詠謾客娘

舉手整花鈿翻身舞錦筵
馬圍行處匝人壓

一作簇

看場圓歌索

一作要

齊聲和情教細語傳不知心大

小容得許多憐

鄭紹武進尉

游越谿

谿水碧悠悠猿聲斷客愁
漁潭逢釣楫月浦值孤舟
訪泊隨烟火迷途視斗牛
今宵越鄉意還取醉

亡憂

沈頌無錫公尉

早發西山

游子空有懷賞心杳無路
前程數千里乘夜連輕馭
繚繞松篠中蒼茫猶未曙
遙聞孤村犬暗指人

家去疲馬懷澗泉征衣犯霜露喧呼谿鳥驚沙上
或騫翥娟。東岑月照耀獨歸慮

送人還吳

人心不忘鄉矧余客已久送君江南去秋醉洛陽
酒贈言幽徑蘭別思河堤柳征帆暮風急望空
延首

送金文學還日東

君家東海東君去因秋風漫指鄉路悠如夢
中烟霧積孤島波濤連大空冒險當不懼皇恩措
爾躬

旅次灞亭

閑琴開旅思清夜有愁心
圓月正當戶微風猶在林
蒼茫孤亭上歷亂多秋音
一作陰言念待明發東山
幽意深

春旦歌

嘗聞羸女玉簫臺奏曲情深
彩鳳來欲登此地銷
歸恨却羨雙飛去不回

衛中作

衛風愉艷宜春色淇水清冷增暮愁
總使榴花能一醉終須萱草暫忘憂

袁瑾

玄宗時嘗
為齋縣尉

鴻門行

少年買意氣百金不辭費學劍西入秦結交北游
魏秦魏多豪人與代亦殊倫由來不相識皆是暗
相親寶馬青綠轡狐裘貂鼠服晨遇劇孟游暮投
咸陽宿然諾本云云諸侯莫不聞猶思百戰術更
逐李將軍始從灞陵下遙度朔野北風聞楚歌
南庭見胡馬胡馬秋正肥相邀夜合圍戰酣烽火
滅路斷救兵稀白刃縱橫逼黃塵飛不息虜騎血
灑衣單于淚沾臆獻凱雲臺中自言塞上雄將軍

行失勢部曲遂無功
新人不如舊舊人不相救
萬里長飄飄十年計不就
棄置難重論驅馬度鴻門
行看楚漢事不覺風塵昏
寶劍中夜撫悲歌聊自舞
此曲不可終曲終淚如兩

惠文太子挽歌

睿宗之子岐王範也開元十四年卒贈太子

寒伏丹旄引陰堂
白日還暗燈明象物
画水濕靈衣羽化
淮王去仙迎太子
歸空餘燕衛土朝夕向

陵飛

樊晃

前進士
林樞傳有官汀州刺史之職
又有官潤州刺史編杜甫集者另同人也

南中感懷

南路蹉蛇客未回常嘆物候暗相催四時不變江
頭草十月先開巔上梅

萬楚

登開元進士
第與李頎善

小山歌

人說淮南有小山
淮王昔日此登仙
城中雞犬皆飛去
山上壇場宛然
世人貴身不貴壽
共笑華陽洞
天口不知金石變
長年謾在人間戀
攜手君能舉帆至
淮南家住盱眙
余先諳桐栢亂流
平入海萊萸一曲
沸成潭憶記來時
魂悄想見仙山
衆峰小今日長歎
思不堪君行為報
三青鳥

題江潮莊壁

田家喜秋熟歲宴林葉稀
禾黍積場圃櫨梨垂戶
扉野閑犬時吠日暮牛自歸
時復落花酒茅齋堪解衣

詠簾

玳瑁昔稱華玲瓏薄絳紗
鉤銜門勢曲節亂水紋
斜日弄長飛鳥風搖不卷花
自當分內外非是為驕奢

采芣女

山陰柳家女九日采芣苢
復得東隣伴雙為陌上

姝揅技著一作花向高髻結子置衣裾一作作昨常遲

緩非閑詔丈夫平明折林樾日入返城隅一作賈

客要羅袖行人挑短書蛾眉自有主年少莫踟躕

五日觀妓

西施謾道浣春紗碧玉今時閨麗華眉黛奪將營

草色紅裙妬殺石榴花新歡一曲令人艷醉舞雙

眸歛髻斜誰道五絲能續命却令今日死君家

驄馬文苑英華作萬楚詩

金絡青驄白玉鞍長鞭紫陌野游盤朝驅東道塵

恒滅暮到河源日未闌汗血每隨邊地苦蹄傷不

彈隴陰寒君能一飲長城窟為報天山行路難

題情人藥欄

欽眉語芳草何許太無情正見離人別春心相向
生

河上逢落花

河水浮落花上流東不息應見浣紗人為道長相
憶

蔣維翰

登開元進士第

古歌二首

美人怨何深含情倚金閣不嚬復不語紅淚雙

落

一作不笑復不語珠淚終日落

美人閉紅燭獨坐裁新錦頻放剪刀聲夜寒知未寢

春夜裁縫

珠箔回風起飛蛾入最能不教人夜作方便殺明燈

春女怨

白玉堂前一樹梅今朝忽見數花開兒家門戶尋常

一作重

一作閉春色因何入得來

一作何緣得入來

怨歌

百尺珠樓臨狹斜
新妝能唱美人車
皆言賤妾紅顏好
要自狂夫不憶家

楊顥

登開元進士第

田家

小園足生事
尋勝日傾壺
薜蘿利於薺
繞青摘已無
四鄰依一作同野竹
日夕采其枯
田家心適時
春

色遍桑榆

崔巨

開元二十四年登進士第

春怨

夜盡夢初驚
紗窗早霧明
曉粧脂粉薄
春服綺羅

輕妾有今朝恨君無舊日情愁來理絃管皆是斷

腸聲

周萬

開元末登第
一作古萬

送沈芳謁李觀察求仕進

自注云此君曾浪迹長安日以詩讓

往日長安路欲游不惜年為貪虛女曲用盡沈郎
錢身老方投刺途窮始著鞭猶聞有知己此去不
徒然

范朝

開元中
人進士

寧王山池

水勢臨階轉峰形對路開槎從天上得石是海邊

來瑞草分叢種祥花間色裁舊傳詞賦客唯見有
鄒枚

題石甕寺

勝境宜長望煙春好散愁關連四塞起河帶八川
流複磴承香閣重巘映彩樓為臨溫液近偏美聖

君游

程彌綸進士

懷魯

曲阜國尼丘山周公邈難問夫子猶啟閔履風雪
今若見游夏興兮魯顏天孫天孫何為今兮學且

難負星明而游閑

張萬頌進士

東谿待蘓戶曾不至

洛陽城東伊水西
千花萬竹使人迷
臺上柳枝臨岸低
門前荷葉與橋齊
日暮待君君不見
長風吹雨過青谿

登天目山下作

去歲離秦望
今冬使楚關
淚添天目水
髮變海頭山
別母烏南逝
辭兄雁北還
宦游偏不樂
長為憶慈顏

送裴少府

夕膳望一作思東岡晨裝不少留酒中同樂事關外
起離憂座濕秦山兩庭寒渭水秋何當鷹隼擊來

拂故林游

梁洽進士

觀漢水

發源自嶓冢東注經襄陽一道入漢渤別流為滄
浪求思泳游女投吊悲昭王水濱不可問日暮空
湯

豆盧懷

前崇
玄

昌年宮作

但有離宮處君王每不居
旗門芳草合輦路光槐
疎殿閉山烟滿牕凝野
靄虛豐年多望幸春色持
奎輿

落第歸鄉留別長安主人

客裡愁多不記春
聞鶯始嘆柳條新年
下第東
歸去羞見長安舊主人

朱斌處士

登鵲雀樓

一作王之渙又作宋佐日詩姑蘇

御史武后嘗吟此詩問是誰作李審對曰御史朱佐日詩也賜采百匹轉侍御史今

從國秀集作賦

詩次開元中

白日依山盡黃河入海流欲窮千里目更上一重

樓

王羨門

以下二人國秀不著官開

都中閑居

君王巡海內北闕下明臺雲物天中少烟花歲後
來河從御苑出山向國門開寂寞東京裡空留賈

誼才

孫欣

奉試冷井

仙闌井初鑿靈液沁一作忽成衆色湛青苔裏寒凝
紫綆遶銅餅向影落玉甃抱虛圓永願調神鼎充
時泰萬年

西鄙人

哥舒歌

北斗七星高哥舒夜帶刀至今窺牧馬不敢過臨
洮南部新書云天室中哥舒翰為安西節度使控
洮地數千里甚著威令故西鄙人歌此後二句乾

興又

一作吐蕃總

殺盡更築兩重壕敵強記開元初上書自薦能詩

史青

云零陵人勿聽敵強記開元初上書自薦能詩

以除

夕上元竹火龍等詩應口而出上稱實授左

監門

衛將軍惟除夕最佳獨傳

應詔賦得除夜

一作王諶詩似誤

今歲今宵盡明年明日催
寒隨一夜去春逐五更來
氣色空中改容顏暗裏回
風光人不覺已著一作

後園梅

繆氏子

福寧志開元時繆氏有子七歲聰慧能文以神童召試賦新月詩松音人有掘傷其

山脈者後遂不顯

賦新月

初出如弓未上絃
分明掛在碧霄邊
時人莫道蛾

眉小三五團圓

照滿天